

PM terima Ijazah Doktor Kehormat Undang-Undang

Manila: Perdana Menteri, Datuk Seri Anwar Ibrahim semalam dianugerahkan Ijazah Doktor Kehormat Undang-Undang atau 'honoris causa' oleh Universiti Filipina (UP) sempena lawatan rasminya ke negara ini.

Dalam satu kenyataan, universiti berkenaan memaklumkan, penganugerahan kepada Anwar mengambil kira Perdana Menteri menjadi sarjana dan memiliki kepakaran antarabangsa dalam bidang ekonomi, demokrasi, kebebasan, tadbir urus, Islam dan demokrasi serta keperluan akauntabiliti.

Ijazah doktor kehormat itu disampaikan Pengerusi Suruhanjaya Tinggi Pendidikan Filipina, J Prospero E De Vera III serta Presiden dan Pengerusi Bersama Lembaga Regen UP, Angelo A Jimenez pada majlis dihadiri kira-kira 2,000 pelajar, ahli akademik dan pegawai kanan dari kedutaan serta universiti.

Naib Canselor Hal Ehwah Awam UP, Jose Wendell Capili, berkata Anwar menyanjung kehidupan, karya dan pengajaran Jose Rizal dan minatnya terhadap tokoh itu makin mendalam setelah kerap mengunjungi UP semasa muda.

Katanya, Anwar yang ketika itu berada di bawah bimbingan mendiang Prof Emeritus Sejarah Universiti dan Dekan Kolej Seni dan Sains UP, Diliman Cesar Adib Majul, turut dihormati ke-



Anwar dianugerahkan Ijazah Doktor Kehormat Undang-Undang Universiti Filipina pada majlis di Manila, semalam. Yang turut hadir, Menteri Luar, Datuk Seri Dr Zambry Abd Kadir. (Foto BERNAMA)

rana pendirian berprinsip menentang rasuah dan pengurusan ekonomi Malaysia semasa krisis Kewangan Asia.

Anwar yang tiba di sini semalam untuk lawatan rasmi dua hari, lawatan rasmi kelimanya ke negara ASEAN sejak dilantik Perdana Menteri Ke-10 akhir tahun lalu, juga disebut sebagai pakar diiktiraf antarabangsa da-

lam bidang ekonomi, demokrasi, kebebasan, tadbir urus, Islam dan keperluan serta kebangungjawaban.

Sejak awal 2000, Perdana Menteri turut memegang beberapa jawatan seperti pensyarah di St Anthony's College of Oxford, School of Advanced Internatio-

nal Studies di John Hopkins University dan *School of Foreign Service* di Georgetown University.

Anwar yang dalam rangka lawatan rasmi dua hari, lawatan rasmi kelimanya ke negara ASEAN sejak dilantik Perdana Menteri Ke-10 akhir tahun lalu, diberi sambutan rasmi oleh Presiden Filipina, Ferdinand

Marcos Jr di Istana Malacanang sebaik tiba di sini.

Beliau memulakan lawatan hari kedua dengan menghadiri upacara meletakkan kalungan bunga di Rizal Park, di sini dan disambut oleh Datuk Bandar Manila, Honey Lacuna-Pangan serta Ketua Staf Tentera Laut Filipina, Laksamana Jose M-A Ambrosio Q Ezpeleta.